

დანართი 1

ივანე ჯავახიშვილის სახელობის თბილისის სახელმწიფო უნივერსიტეტის დოქტორანტურაში მიღების წესი

1. ზოგადი დებულებანი

- 1.1 დოქტორანტურაში მიღების წესი (შემდგომში - წესი) არეგულირებს ივანე ჯავახიშვილის სახელობის თბილისის სახელმწიფო უნივერსიტეტში (შემდგომში - თსუ) დოქტორანტურაში ჩარიცხვის პროცესს.
- 1.2 თსუ-ს დოქტორანტურაში მიღება ხორციელდება კონკურსის საფუძველზე.

2. დოქტორანტურაში მისაღებ კონკურსში მონაწილეობის უფლების მქონე პირები

- 2.1 თსუ-ს დოქტორანტურაში სწავლის გაგრძელების უფლება აქვთ მაგისტრის ან მასთან გათანაბრებული აკადემიური ხარისხის მქონე პირებს, აგრეთვე რეზიდენტურის კურსდამთავრებულებს.
- 2.2 საზღვარგარეთის უმაღლესი საგანმანათლებლო დაწესებულების მიერ გაცემული დოკუმენტების ფორმალური ცნობა (აღიარება) ხდება “უმაღლესი განათლების შესახებ” საქართველოს კანონის 50-ე მუხლის შესაბამისად.

3. საბუთების მიღება

- 3.1 საბუთების მიღების ვადები ყოველ სემესტრში მტკიცდება თსუ-ს რექტორის ინდივიდუალურ ადმინისტრაციული-სამართლებრივი აქტით.
- 3.2 საბუთების მიღებას ახორციელებს ფაკულტეტების მიმღები კომისიები, რომლებსაც ფაკულტეტების წარდგინების საფუძველზე ამტკიცებს თსუ-ს რექტორი.
- 3.3 საბუთების მიღების პროცესს ორგანიზებას უკეთებს თსუ-ს საგამოცდო ცენტრი.

4. საბუთების ნუსხა

- 4.1 კონკურსანტი ვალდებულია მიმღებ კომისიაში წარადგინოს:
 - ა) განცხადება თსუ-ს რექტორის სახელზე;
 - ბ) განაცხადის შევსებული ფორმა;
 - გ) უმაღლესი განათლების დამადასტურებელი დიპლომისა და დანართის დამოწმებული ასლი;
 - დ) პირადობის მოწმობის (პასპორტის) ასლი;

- ვ) უცხო ენის ცოდნის დამადასტურებელი სერთიფიკატის დამოწმებული ასლი, ასეთის არსებობის შემთხვევაში;
- ზ) შესაბამისი ფაკულტეტის დოქტორანტურის დებულებაში მითითებული სხვა დოკუმენტები.
- თ) კონკურსანტი, რომელსაც ქართულენოვან პროგრამაზე სურს სწავლა და მისი მშობლიური ენა არ არის ქართული, წარმოადგენს ქართული ენის B2 დონის დამადასტურებელ სერთიფიკატს, ასეთის არსებობის შემთხვევაში.

4.2 განაცხადის ფორმას ამტკიცებს თსუ-ს რექტორი.

4.3 კონკურსანტს წარმოდგენილი საბუთები კონკურსის დამთავრების შემდეგ უკან აღარ უბრუნდება.

5. მიმღები კომისიის უფლება-მოვალეობები

5.1 მიმღები კომისია ვალდებულია:

- ა) მიიღოს საბუთები ამისათვის დადგენილ ვადებში;
- ბ) შეამოწმოს წარმოდგენილი საბუთების შესაბამისობა სადოქტორო პროგრამის მოთხოვნებთან;
- გ) შეამოწმოს აკმაყოფილებს თუ არა განმცხადებელი სადოქტორო პროგრამაზე მიღების წინაპირობებს.
- დ) წარმოდგენილი საბუთების სადოქტორო პროგრამის მოთხოვნებთან და სადოქტორო პროგრამაზე მიღების წინაპირობებთან შეუსაბამობის შემთხვევაში, დაწეროს შესაბამისი დასკვნა, რომელიც თან უნდა ერთვოდეს საბუთებს.

6. საკონკურსო გამოცდაზე დაშვების წინაპირობები

6.1. კონკურსანტი, რომელიც

- ა) დადგენილ ვადებში სრულად წარმოადგენს საბუთებს მიმღებ კომისიასთან;
- ბ) წარმოადგენს დოკუმენტაციას, რომელიც შეესაბამება სადოქტორო პროგრამის მოთხოვნებს;
- გ) აკმაყოფილებს სადოქტორო პროგრამაზე მიღების წინაპირობებს,
- დ) ქართულენოვან პროგრამაზე აპირებს სწავლას და მისი მშობლიური ენა არ არის ქართული, ჩააბარებს გამოცდას ქართულ ენაში,

– დაიშვება საკონკურსო გამოცდაზე უცხო ენაში.

6.2 გამოცდას ქართულ ენაში ორგანიზებას უკეთებს თსუ-ს საგამოცდო ცენტრი.

7. საკონკურსო გამოცდა უცხო ენაში

- 7.1 საკონკურსო გამოცდას უცხო ენაში ორგანიზებას უკეთებს თსუ-ს საგამოცდო ცენტრი.
- 7.1 უცხო ენის გამოცდაში დადებითი შეფასებისთვის საჭირო დონე განისაზღვრება სადოქტორო პროგრამით.
- 7.2 უცხო ენის გამოცდიდან თავისუფლდება კონკურსანტი, რომელიც წარმოადგენს უცხო ენის ცოდნის დამადასტრებელ სერთიფიკატს (სერთიფიკატების ჩამონათვალი იხ. დანართის სახით), **ან/და უცხოეთის უმაღლეს საგანმანათლებლო დაწესებულებაში სწავლის დასრულების დამადასტურებელ დოკუმენტს.**
- 7.3 უცხო ენის გამოცდის განრიგი მტკიცდება რექტორის ინდივიდუალურ ადმინისტრაციულ-სამართლებრივი აქტით.

8 საგამოცდო შედეგების გასაჩივრება

- 8.1 კონკურსანტი უფლებამოსილია საგამოცდო შედეგების გამოკვეყნებიდან 2 დღის ვადაში განცხადებით მიმართოს თსუ საგამოცდო ცენტრს გაეცნოს საგამოცდო ნაშრომს ან/და მოითხოვოს გამოცდის შედეგების გადასინჯვა.
- 8.2 საჩივრების განხილვის მიზნით, ფაკულტეტის წარდგინების საფუძველზე რექტორის ინდივიდუალური ადმინისტრაციულ-სამართლებრივი აქტით იქმნება საპრეტენზიო კომისია.

9. გასაუბრება

- 9.1 კონკურსანტი, რომელიც წარმატებით ჩააბარებს გამოცდას უცხო ენაში დაიშვება გასაუბრებაზე.
- 9.2 გასაუბრების ჩატარების მიზნით, ფაკულტეტის წარდგინების საფუძველზე თსუ-ს რექტორის ინდივიდუალურ ადმინისტრაციული-სამართლებრივი აქტით იქმნება დარგობრივი კომისიები.

10. დოქტორანტურაში ჩარიცხვა

- 10.1 კონკურსანტები, რომლებიც წარმატებით გაივლიან გასაუბრებას ჩარიცხებიან დოქტორანტურაში.
- 10.2 ჩარიცხვა ხორციელდება თსუ-ს რექტორის ინდივიდუალურ ადმინისტრაციული-სამართლებრივი აქტით ფაკულტეტის წარდგინების საფუძველზე. ჩარიცხვას ორგანიზებას უკეთებს თსუ-ს სასწავლო დეპარტამენტი.
- 10.3 ჩარიცხვიდან ერთი თვის ვადაში უნივერსიტეტსა და დოქტორანტურას შორის იდება ხელშეკრულება, რომლითაც განისაზღვრება მხარეების უფლება-მოვალეობები.